

սիրապէս և մեք ևս առ ի չգտանիլ դէպ առ նոսա իբր տմարդի բարեկամ և անողջունատու հիւր, ոչ թողու՞մք ի բաց զմիջութարեւն զնոսա յեկեղեցւոյ հոգևորական բանիւք ըստ կարեաց և ըստ պիտոյին երբեմնապէս, չխոտորելով ամենեւին յարքունական պողոտայէ ուղղականէ ի յանգոսնելի ծայրս հակադրականի կողմնականութեան երբէք, ըստ որում յայտնի իմն է տեսողաց և լսողաց: Եւ լինի թէ ո՞ գիտէ մինչև յերիս ամիս եթէ Տէր կամեցի աստ օթագայիմ, զի յիշեցեալ Պետն ոչ կամի թոյլատրել փութով զնալ մեզ ի կոստանդնուպոլիս առ ի զովացուցանել զտապն վաղեմի կարօտութեանց մերոց. և մանաւանդ թէ ընդ նմա և ժողովուրդքն ըստ մեծի մասին զնոյնն յառաջարկեն մեզ աղաչանօք, առ որս բաց ասելն կոպտութիւն իմն է յոյժ մեծ: Եւ Պատուիրարք յակօք Վարդապետն ևս զրեաց առ մեզ ի ձեռն յիշեցելոյն զգիր սիրոյ և յարգանաց. բայց մեք չպատասխանեցաք նմա բան ինչ մինչև ցայժմ. և մի վարկցի այս լինիլ աղազաւ ըմբոստանալոյ, այլ վասն այլ իրի իմիք՝ որ է մասնաւոր համակատումն ինչ. քանզի ասէ ոմն ի բանաստեղծից այլազգեաց. կեան օլուր աշըք շէյ տայէ տիւշէր իտիղնա: Տեղւոյս ամենայն իրքն և իրակութիւնք վայելեն զբարի յաջողութիւնս, մնայ միայն՝ թէ սակաւ ինչ երկեցուցանէ զյոզունս շշուկն մահուան, զոր թէև իցէր նուազ, յուսամ յԱստուած թէ այսուհետև իսպառ սպառելոց է ամենեկին: Եւ թէպէտ զառաջին քստմիլ տեսանկցան ոմանք ի մերայնոց զէմպէրէկաբեկից հանդերձ պատրօքն տեղւոյս վասն մոռանելոյ իմ յեկեղեցին Հայոց, իսկ մինչ յարեցան և խօսակցեցան ընդ մեզ ի ձեռն յաճախ երթևեկութեան, զիջան ի կարծեաց և ի կասկածանաց իւրեանց, և հետևաբար ունին զիս իբրև զհրեանս. բայց բոլոր ամբողջ և ուղիղ ուղղափառքն իբրև տեսին և իմացան զայս՝ զրեթէ ի մեծի ուրախութեան պարուրեալք եղեն, և զոհացան որ այլապէս ոչ եղև. վասն զի յետ կորուսանելոյ զշահն, հետևելու յայնմանէ մեծագոյն փնաս, որպէս յայտ է ինքնին: Օրհնեալ լինիցի տեղւոյս Յովսէփ վարդապետն միսիօնար՝ որ է համաձայն մերային դիտմանց, և պատերազմակից է ընդ մեզ ընդդէմ ներհակ կարծեաց ըստ ամենայնի, որոյ վասն առաւել սէր և պատիւ եցոյց և ցուցանէ միշտ դէպ առ անարժանութիւնն իմ. նոյնգունակ օրհնեալ խոճայ նահապետն ամպարեան, և պարոն Ատորիասն ցաւակիր: Բայց քէօշէ պուճախ քրթմնշէն ոմանք՝ ի ծածուկ՝ զաղատացիք ամենայնմարք, բայց զտանին նոցա ըմբերանողք բազումք, որոյ վասն և զլիսաւորք նոցին զան և զնան առ իս, և մեք շահեմք զնոսա բարոյականաբար, թէ չունի փնաս մտանելն յեկեղեցին Հայոց: Վերջապէս վասն սուղ լինելոյ գրոյս ժամանակի՝ ոչ կարացի յատուկ գրով ինչ ողջունել զՎեհապատիւ Մինաս Արհիս զՀայրն մեր ծերունի և կամ հարցումն առնել զամենայն կերպ բարեկեցութեանէ նորին. վասն որոյ զնոյն պարտաւորութիւնն իմ սոյն գրով ի ձեռն Յարգելութեան ձերոյ վճարել տենջամ, ընծայելով նմա զփրկչաձիր ողջոյնն, և խնդրելով ի նմանէ զսուրբ աղօթս փոխարէն: Զնոյնն ասեմ և վասն բնաւից համաշունչ միաբանից Արքայ Մենաստանիդ՝ ի մեծամեծաց մինչև ցփոքունս: Պարոն խաչուկ սիրեցելոյն իմ և ձեր՝ սիրով մեծաւ ողջոյն ընծայեմ ի Քրիստոս: Հայր Մկրտչին իմ, և Հայր Վրդանիսին սերտ սիրով ողջոյն ընծայեմ. բաւ է:

1754 ի յունիսի 17

Սարգիս Վրդ. և Արքեպիսկոպոս  
ի Զմիւտին

### ՃԼԶ.

Սարսափելի երկրաշարժի մը նկարագրութիւնը կը կարդանք Հ. Զաքարիայի հետևեալ թուղթին մէջ: Ունի Հ. Միքայէլ ևս նոյնին նկարագրութիւնը, ուր «իբրև ողորմեայ սաղմուսի չափ տևեաց» կ'ըսէ՝ նոյն օր պատահած երկրաշարժներէն միոյն համար, ինչպէս նաև կրկինը կը նշանակէ տեղի ունեցած մահերուն, ըսելով թէ «առեյի քան զհազարս մարդիք մեռան», թերևս միանգամայն առնելով զանազան պահերու մէջ եղածները: